


✽ جناب شاه نقشبند افندمرك حضرت عبدالقادر كبلاني افندمن ✽
✽ حقارنده تنظيم نيورمش اولدقلري مديحه نقيسه در ✽

✽ قطعه ✽



✽✽✽ اعوذ بالله من الشيطان الرجيم ✽✽✽
 ✽✽✽ بسم الله الرحمن الرحيم ✽✽✽

✽✽✽ دستور يا حضرت باز الاشهب ✽✽✽

بسم الله الرحمن الرحيم * دنيا و عقبا ده مؤمنين و كافر ينه رحمت عموميه
 و خصوصيه سي شامل اولان خلاق جهسك اسم بك شر بغلر بنه ملاس
 و مصاحب اولديغم حالده ماسيا تيده محرر اولان قطب رباني غوث صمداني
 هبكل نوراني يعنى حضرت شيخ عبدالقادر كيلاني قدس الله سره العزيز
 افدمزك مكنوبات عليه و محررات سنبل ينك زبان فارسيدن لسان عربى به
 ترجمه سنه بدأ و مباشرت ايلرم * الحمد لله رب العالمين * جد و ثنا و شكر
 و دعا كافة مخلوقاتى انواع نجليات ربانيه و اسما و صفات صمدانيه سبيله تزيه
 بيوران ذات الوهينه مخصوص و احرار * وصلى الله على سيدنا محمد و على
 آله و صحبه اجمعين * رحمت جناب عليم و علام و استغفار ملائكة كرام
 و درود اهل اسلام حضرت سيد الانام پيغمبر على مقام محمد المصطفى
 صلى الله تعالى عليه وسلم افدمزايه كافة آل و اصحابى اوزرينه بردوام اولسون
 فهذه خمسة عشر مكنوب باللاستاد القطب الرباني و الغوث الصمداني الشيخ
 عبدالقادر الجيلاني قدس سره العزيز شو او صاف جليله و نهوت جيسله ابه

✽ ✽ ✽ موصوف ✽ ✽ ✽

موصوف اولان وبسملة شريفه نك ترجمه مي اثناسنده انم هالبري بيان قلنان
 شيخ مشارايه حضرت نرينك ايمدني ماسبتلي عليك اون بش قطعه مكتوب
 رشادت مصعو بليردر كه * كانه بلسان النجمي مشتمله هلي حكم ومواعظ
 بانواع الاستعارة والنشبيه والاقتباس والتضمين لنحو ما نين ونخس وسبعين
 آية قرآنية ومشيئة الى اذواق الصوفية وحالاتها * حضرات صوفيه نك
 احوال واذواقه اشارت تامه مي اولديغي حالده ايكيوزيمش بش قدر ايات
 قرآنية ي اقتباس ونكات جليله لرني تضمين وانواع استعاره ونشبيهاتي
 ومواعظ واحكامني مشتمل اوله رق لسان فارسي اوزره كتب ونخرير بيورمش
 * فسبح للفقير علي بن حسام الدين الشهير بالمتقي ان اعرب * لقب متقي ايله
 مشهور ومنعارف اولان علي بن حسام الدين رحمة الله عليه نام ذات فضائلسماته
 تعريب اولنمسي سئوح ايلش * واترجم مضمون المكتوب مع اعترافي باني
 مزجي البضاعة في العبارات لاسميا في ترجمة اشارة امام اهل الاشارات
 (العلماء ورثة الانبياء) حديث صحيحه ماصدق ومظهر فيوضات جناب
 فياض مطلق ووارث فيغير مبعوث بالحق اولان مشارايه غوث اعظم وشيخ معظم
 حضرت نرينك سنوحات الهييه والهوامات ربانيه اولان كرامت ايات لرني لسان
 عربي به نقل ومحويل وترجمه ايلك بك جوق كالاته وبلكه قوة قدسيه به موقوف
 اولديغي حالده هضمالنفسه عبارات شريفه ده خصوصاً ارباب اشارت
 واححاب سعادت امامي بولنان ذات ولايتنا هك اشارتي ترجمه سنده قلت
 بضاعة لرني اعتراف ايله برابر مضمون مكتوبي ترجمه بيورمش ايسه ده
 لغات وقواعد عربيه ايله ممارسه واشتغالي اولميان ذواته وخصوصيه ارباب
 سلوكه بوندن استفاده مشكل اولمقله ولسان عذب البيان تركي به ترجمه سنده
 نفعي عام اوله جنبي بديهي بولمقله معرب مشار اليهك فضل وكايله تواضعي
 قبيلندن اوليوب حق الانصاف هنز ومعرفة دن عاري ومعلومات ظاهره
 وباطنه دن ذمتم بري ونام عاجزانه م هر تقدر رأفت سلیمان ايسه ده مور قدر اقتدارم
 اولديغي آشكار وهر جهته له محزون وقصوم بيدار اولوب انجق سن كترانه م
 التمشه يافلشمش وجريده اعمال دخی خيرات وحساندن تهى قالمش اولديغي
 حالده مجرد ذخرا خرت وباعث عفو ومغفرت اولمق امله حضرات پيران
 وخصوصيه جناب بازا شهب وغوث اعظم اقد مركز روحانيت عليه لردن
 استفاضه واستمداد ايله ترجمه تركيه به ايتدار وولى نعمت پيتم ولى نعمت

یحون اولان الطاف سابقه الهیه مه معبت ووصلت احسان لری سبقت ایلدی
 معنای فرح انسانی حاوی اولان آیت کریمه مذکورہ موجنبجه سوابق
 نعم الهیه والطاف نامتناهیه بی تلاطم امواج مذکورہ خاطرینه کتور وب
 وقرب حق ووصلت جناب فیاض مطلقدن عبارت محل صدق معناسنه
 دلالت ایدن ﴿ فی مقعد صدق ﴾ آیت کریمه سنک ماصدق اوزره جناب نوح
 نبی الله صلوات الله علی نبینا وعلیه وعلیه حضرتلرینک سفینه فوزد فینه لرینک ساحل
 جو دیده قرار ایلدیکی کبی اول امواج بحر عشق طریقہ فیض رفیقہ رسالکرینی
 مقام ثبات و تمکینه تنزیل ایلر ﴿ وتوصلهم الی مجالس سکاری الست برکم ﴾
 بن سنک ربکزد کلیم فرمان الهیسنه محاطب اولدیغیز آیت کریمه نک حاوی
 اولدیغی خطابک نشئه فرح بخشیه بزم مستی به امواج مذکورہ انلری ایصال ایلر
 ﴿ وتبسط لهم سماء نعیم للذین احسنوا الحسنی وزیاده ﴾ نعیم جنت ولقای
 جناب رب عزت ماسوا بی ترک وبلکه ترکی ترک ایدن مردان خدا ایچوندر
 مألنی مبشر اولان آیت مذکورہ نخبجه نعمت بی نهایت الهیه بی انلرک پیشگاه
 برانباهلرینه امواج مذکورہ بسط ایلر ﴿ وتذیر علیهم کؤس الوصول من دنان القرب
 بیدی سقاء وسقیهم ربهم شرابا طهورا ﴾ راه حقدہ حرارت عشقه نفسیده
 لب اولان سالکین صدافت آینه اقداح راح پرافراحی اشراب ایدر معناسنه
 دال اولان آیت مذکورہ مدلولنجه سابقان بزم حقیقتک دست نشاط پیوستلریله
 نجم وحدت وسبوی شوق و محبتدن وصلت جام فرح انجم لری نی امواج
 مذکورہ انلرک اوزرینه اداره ایلرده بوضورته ﴿ فینشرفون بمساک ایدا
 ودولة واذا رأیت ثم رأیت نعيما وملکا کبیرا ﴾ فیوضات بیغایات جناب فیاضدن
 بصر بصیرتک هر نه بی کورر ايسه او محله جنات عالیاتی ونعم جلیله جناب
 قاضی الحاجاتی مشاهده ایلر سنک معنای جلیلی مبشر اولان آیت مذکورہ نک
 تبشیراتیله دولت ابدیه وسعادت سرمدیه بقا بالله ايله تشرف ایدر لر دیو
 حضرت پیروشنضمیر اشبورینی نامه کرامت علامه سنیه لرینی نقش افکن صحیفه
 ختام پیور مشاردر

﴿ مکتوب ثانی ﴾

﴿ ایها عزیز ﴾ مکتوب اولک ابتدا سنده اولسان تأویلات اشبو منشور
 جلیله و بوند نصرکه کله جک مکاتب منیفه ده جاری اوله جفتدن هر بر لرنده
 بشقه بشقه تکریرندن صرف نظر اولندی ﴿ اجعل سبیکه الطلب فی بوطه

والذین جاهدوا فینا * (تنبیہ) ارباب سلوک مجاہدہ نفس وطبیعت اقدم اولدینی وپوطہ ریاضتہ تہذیب اخلاق ونحسین افعال ایلم کجہ نائل مقصود حقیقی اولہ میہ جظاری بیلدیروب بیوردیلرکہ بز عظیم الشان حضرت نلرینک رضای الوہیتن وطریق معرفت ربوبیتن ایچون مجاہدہ ایدنلری معناسنی افادہ ایدن آیت کریمہ مذکورہ نک شامل اولدینی مجاہدین اخلاصقرین جملہ سندن اولقلغہ کسب استعداد ایتمکک ایچون سبیکہ تحصیل وطلبنی بوطہ مجاہدہ دہ سن خالص الہیارایله * وائتہ فی نار ویمحذرمک اللہ * ذات باری سزلی تحذیر ونحویف بیورر معناسنی مشتمل اولان آیت کریمہ مذکورہ دن استعارہ اولدینی وجہلہ سبیکہ مذکورہ بی آتش خوف وخشیت الہیہ دہ ثابت وپرقرارایله دہ تا کہ اوسبیکہ تحصیل وطلبک * فیصیرخالصا من الخبث حتی یایق بسکة لئہدینہم سبلنا * البتہ بز انلری رہ راست توفیق الہیہ ورضای ربانہ مزہ ہدایت ایدرز معنای شریفنی حاوی اولان آیت کریمہ نک محتوی اولدینی طریق فوزرفیق ہدایت سکہ سنہ لایق وجسبان اولنجہ قدر غل وغش اخلاق ذمیددن پاک وخالص اولور * ویزید قدرہا ووقتہا فی سوق ان اللہ اشتری من المؤمنین انفسہم واموالہم بان لہم الجنۃ * تحقیقا جناب باری جلت عظمتہ اصلا وقطعا احتیاجی اولدینی حالہ کمال لطف وکرمندن بہا و قیمت تقدیری ممکن اولیان جنات عالیات احسانیلہ اہل نوحیدک جان وماللرینی اشترا بیوردی معناسنی مفید اولان آیت مذکورہ نک مدلولی سو فندہ مار الذکر سکہ ہدایتک قدر و قیمت آرتار * واجعل ہذا رأس مالک فیحصل لک بضاعۃ اللہ الدین الخالص * آیت سابقہ بی سرمایہ سعادت ابدیہ اتخاذایلہ وآکاه اولکہ دین خالص انجق اللہ ایچوندر معناسنی افادہ بیوران آیت شریفہ نک بضاعہ سیدخی سنک ایچون حاصلہ اولہ دہ * ویکشف لک رمز من اصرار والمخلصون علی خطر عظیم * ارباب اخلاص دار بندہ قدر ومزنت عظیمہ اوزرہ اولییلردر حدیث صحیحنک معنای شریفندن استنباط اولنان اسرار دن سنک ایچون بر اشارت اشکار اولہ * ویلع لک شعاع من انوار افق شرح اللہ صدرہ للاسلام فہو علی نور من ربہ * ہر شول کیسہ نک جناب واجب الوجود سنہ یکینہ سنی قبول اسلام ایچون توسیع قبلہ اول کیسہ فطرت ازلیہ سی اقتضا سنجہ ہدایت سرمدیہ اوزرہ باقیدر معناسنی مبشر اولان آیت کریمہ نک انوار پرتونشارندن بر عظیم ضیای ہدایت افزا سنک ایچون شعشعہ پیرا اولہ

❖ فتتحرك في قلبك باعة ادعوني استجب لكم ❖ ذات الوهيمى اخلاص
 نام ايله توحيد و جناب ر بوبينمه توجه صدق ارتسام ايله عبادت و تحميد ايليك
 بن عظيم الشاندى سزله مقتضاي رحا نيشمله قبول و مكافات ايدرم مدلولى
 موجبنجه در شاهوار اخلاص درون صدف قلبنده حرکت ايد ❖ و تزنى
 من حضبض قل متاع الدنيا قليل الى اوج والاخرة خير لمن اتقى ❖ كالاي كاسد
 بهاي دنياك قليل المقدار واصحاب اتقا ايچون خير محض اولان دارالقرار
 اولديغنى امت دعوت واجابه خبر وير معناسنى مفيد اولان آيت كريمه نك فقرة
 اوليسنك مدلولى زميندن فقرة ثانيه سى مضمونى اولان اوج هليين بقا بالله
 واصل اوله سك ❖ و تشم من نسيم قرب ونحن اقرب اليه من حبل الوريد لتهتر
 منك شجرة قلبك ❖ محل ومركز تجليات سبحانيه اولان حسيده اخلاص
 وثيقه فواد صدق اعتيادك اشجارى سنك عشق وشوقك تاثيرا تندن متحرك
 اولق ايچون بز عظيم الشان حضرتلى معرفت ازليه وقدرت لم بزليه مز ايله
 انسانه شاخ طهرندن يقينز معناسى شريفنى ناطق اولان آيت كريمه نك مدلولى
 بولنان قريبت ريح فريحنى استشمام ايدرسك ❖ وتعرى من الاخييار بعواصف
 خريف قل الله ثم ذرهم في بسنان تجريد ولا تدع مع الله الها آخر ❖ عبادت
 حق و هوديت مطلقده جناب بارى به كيمسه بى تشريك ايله معناسنى مفيد اولان
 آيت كريمه مدلولونك تجريد و تصفيه سى رياضنده كوكلنى و عشق و محببى انجق
 حضرت مولايه ربط ايلوب ماسوا بى كلبا ترك ايله معناسى جليلنى متضمن اولان
 اشبوآيت كريمه حكمنجه باغ دروننده سرغماي ظهور اولان شاخسار پرائم عشق
 وشوق و محبت ازليه كى تندباد رياضات و مجاهدات ايله خس و خاشاك ماسوادن
 عارى و خالص ايليه سك ❖ و هب هليك رياح ربيع ان الذين سسبقت لهم
 منا الحسنى ❖ تحقيقا عباد اخلاص اعتيادم ايچون بز عظيم الشان حضرتلى
 عنابت ازليه والطاقى صمدانيه سبقت ايلدى معناسنى مبشر اولان آيت كريمه
 وفقهنجه كلشنسراى جنان مصادقت نشسانكه نسيم عنبر شميم بهار تنسم ايدر
 ❖ و يطر عليك شدايب الفضل وسعائب الله يجتبي اليه من يشاء بقطرات فيض
 فتخضر اراضى رياض القلوب من نبات و علمناه من لدنا علما ❖ جناب فياض متعال
 تزهد ذاته عن الشبيه والمثال ديله ديكي قوللر بى تجليات لطيفيه و جاليه سنه
 مظهر فلقنغه اختيار بيورر معناسنى متضمن اولان آيت كريمه نك حاوى اولديغنى
 رشحات ابر فيضى و باران لطف و احسانى سنك اوز ريكه يغار و بو وجهله

بزرگواران حضرت تلمیذ علم خاص الهیہ مریض حضرت خضر علیہ السلام
 تعلیم بیوردق معناسنی مخبر اولان آیت کریمہ تک حاوی اولدیغی علم شریف
 نیاندن زمین کلشن رهین قلوب عشاق سرسبز و مطرا او اور * و نمر اشجار
 بسا تین الارواح من ثمار ان رحمة الله قریب من المحسنین * تحتیقا ظاهرنا و باطنا
 وسرا و علنا کندی نفسنه و غیره به احسانی التزام ایمن قوللرینه رحمت
 و مغفرت جناب واجب الوجود یقیندر معناسنی مبین اولان آیت کریمہ تک مضمونی
 میوه لرندن اشجار فرادیس ارواح پر برك و بار اولور * و تجری عبون الوصول
 فی اودیة السمر من ینوع هینا یشرب بها المقربون * چشمه سار فیض الهیمن
 داخل دائره قرب معنوی اولان مردان خدا سیراب اولورلر معناسنی اشراب ایمن
 آیت کریمہ تک مفهوم منبعندن اسرار تجلیات الهیہ وادیلرینه وصلت بیکارلری
 جریان ایدردیو * مبشر اقبال * * ذلك فضل الله يؤتیه من یشاء *
 شوق تجلیات جناب حقیق فضل و احسانیدر دیلنددیکی قوللرینه اعطانا ایلر منای
 شریفنی حاوی اولان آیت کریمہ تک مضمونی اقبال تک مبشری * مبشر یشارة
 ان لانخافوا ولا تحزنوا و ایشروا بالجنة التي كنتم توعدون * سزاه یکمش ایچون
 حزن و ندامت و کله جک ایچون خوف و خشیت اولیوب وعد اولندیغیز
 جنت ایله بشارت اولسون معناسنی اشعار ایمن آیت کریمہ تک
 متضمن اولدیغی مرثده ایله تبشیر ایلر * و ینادی رضوان جنات نعیم

رضی الله عنهم و رضوا عنه ینداء کلوا و اشربوا هینا بما كنتم تعملون * داخل

خلد برین اولان مؤمننه الله سزده راضی اولدی سزده جناب حقدن راضی
 اولدیکن معناسنی مفید آیت کریمہ تک حاوی اولدیغی رضوان دار نعیم رضای
 الهیہ به مقرون اولان اعمال صالحه کز سبیلله نائل اولدیغیز اطمینه نفیسه و اشربه
 لذیذہ بی اکل و شرب ایلدیک ما لئله اولان آیت کریمہ ثانیه ایله ندا ایلر دیرک
 حضرت پیر دستگیر اشو ایلکنجی مکتوب سعادت اسلوبارینی دخی حیر ختسامه
 ایصال بیور مشلردر

﴿ مکتوب ثالث ﴾

ایها العزیز خف من یوم یفر المرء من اخیه و امه و ایه و صاحبته و بنیه *
 ای عزیز آیت مذکورہ تک مفهومی موجبجه کشتیک عمال و اولادندن و پدر
 و مادر یله دادرندن فرار ایتدیکی کوندن قورق * و تفکر فی محاسبه ان تبدوا
 مافی انفسکم او تخفوه یحاسبکم به الله * خیر و شردن هر بر احوال و حرکات سگری

كرك سترو پنهان و كرك فاش و عيان ايدك جناب حتى روز رستا خيزده
 انلرك محاسبه سنى كوروب رضاي ربانيسته توافق ايدنلر ايجون مكافات ايجسانلر
 ايجون مجازات بيورر معناسنى مفيد اولان محاسبه بي تفكر ايله ❖ ولا تشسته نقل
 بحظوظ اولئك كالانعام ❖ انلر حيوانلر كيدير معناسنى حاوى اولان آيت مذكوره
 مدلولجه هند الصوفيه مردمك چشم اطلاق اولنان انسانيت شرفى عالمها سندن
 عدول ايله حيوانيت صفت رديه سبيله متصف اوله رق حظوظات نفسانيه ايله
 مشغول اوله ❖ واحفض رأسك فى مراقبه فاذا كرونى اذ كركم ❖ ايمدى
 سزلى و وحدانيت و فردانيتمه ذكر و تهليل ايديكز بن عظيم الشاندى سزلى
 لطف و مرحمتله مكافاته مظهر ايدرم معناسى شريفنى متضمن اولان آيت
 كريمك مدلول و احكامى مراقبه سنده سر برانوى افتقار برله ❖ واقح عين
 قلبك فى مشاهدة وجوه بوئذناضرة الى ربها ناظرة ❖ روز قيامتده بك چونى
 وجوه كمال و شوق و شادى و ضباى هين ايمان ايله جمال بيمثال جناب ذوالجلاله
 بلا حجاب ناظر اولورلر معناسى شريفنى تلجج ايدن آيت كريمك مضمونى
 مشاهده سنده ❖ لا يسعنى ارضى ولا سمانى الا يسعنى قلب عبدى المؤمن التقي النقي ❖
 حديث قدسيه مظهر اولان قلب كوز بيكي كشاده و پرده غفلتدن آزاده لك ايله
 ❖ واذ كرم نعيم ولكم فيها ما تشتهي انفسكم ولكم فيها ما تدعون ❖ فردوس
 نعيمده سزك طالب و راغب اولديكز و نفسلر بيكزك اشتها ايلديكي شيلر سزك
 ايجون حاضر و آماده در معناسنى مفيد اولان آيت كريمك مدلول شريفده اولان
 نعم بي پايان الهية بي سن ياد و تفكر ايله ❖ عسى نسمع بسمع قلبك نداء ادعونى
 استجب لكم والله يدعوا الى دار السلام ❖ ذات الوهيمه هيات ايديكز بن عظيم
 الشاندى سزك عبادتكنزى قبول ايدرم معناسيله حضرت مولا سزلى
 دار السلام اولان جننه دعوت بيورر مالى مشعر بولنان آيت كريمك نداء نشاط
 افزاسنى يقينده سامعه قلبك ايله استماع ايدرسك ❖ و تنبه من نوم
 غفلة انما الحيوه الدنيا لعب ولهو ❖ حبات دنيا انجق ما نند ظل خيال
 بر باز يجه ييانلر مفادى حاوى اولان آيت كريمك منطوق فى موجبه خواب غفلتدن
 يقينده بيدار اولورسك ❖ و نسلك على قدم الرأس فى طلب درجات و السابقون
 السابقون اولئك المقربون فى جنات النعيم ❖ ميدان رضاي فيض اقتضاي باريد
 صكوى رباى مسابقت اولنلر جنات عالياته مناصب عالیه تقر بي احراز
 ايدنلر در معناسنى اشهار ايدن آيت كريمك متضمن اولديغى درجات عالیه لك

تخصیلندہ سرسود زدہ تک هر بر مویندن بر پای پیدا ایدرک انکله قریا سالک
 راه الهی اولورسک * و زکض جواد همتک اسط صی بسنة بک مبشر الطاف
 الله لطیف بعباده باطباق هدايا لهم البشرى * واصل سره منزل بقا لله اولتر
 ایچون تیشیران هدايا سی طبقریله جناب حق قوللرینه لطف واحسان اید بیجدر
 مآلنده اولان آیت کریمه الطافک مبشری یقینده سنی استقبال ایدر تازیانه سبیله
 اسب همت ومجاهده کی جولان ایتدیرده * و تطفر بعسا کرولله جنود السموات
 والارض علی اعداء ان الشيطان للانسان عدو مبین * تحقیقا انسان ایچون
 شیطان شبهه سر دشمن قویدر معناسنی حاوی اولان آیت کریمه مدراج بولان
 اعدا اوزرینه روی غیراوطبقات سماده جناب حقک جنود مجنده سی واردر
 معناسنی ایما ایدن آیت کریمه تک مدلولی اولان عسا کرله سن نصرت بولورسک
 * و تخص من شبکه هوا ان النفس لامارة بالسوء * تحقیقا نفس انسانی رزالت
 وندامت صوریه ومعنویه بی موجب اولان اعمال خبیثه وافعال قبیحه یه زیاده سبیله
 مآلنده در معناسنی حاوی اولان آیت کریمه دن اقتباس اولندیغی اوزره هوا ی نفس
 شومک دام پر مکر واحتیالندن خلاص اولورسک * ونظهر علی قلبک رفوم
 لطائف اسرار واقوال الله و یعلمکم الله * جنساب واجب الوجود حضرتلری
 سزله امور دینیه ودنیویه کزی تعلیم بیورر سزله اوامر ونواهی الهیه سینه
 مخالفندن خوف وخشیت ایدک معناسنی مفید اولان آیت کریمه تک اسرار شفقت
 داری خطوطی صحیفه ضمیر صفوت مصیرک اوزره ظاهر اولور * وتذکر طائر
 روحک خطائر الفسوم و یطیر فی فضاء فاسلکی سبل ربک ذالاجنح الشوق *
 جبالده و خلال اشجارده سهله المسالك اولد بفکر: و امر اولندیفکرن شبهه ذلیل
 ومنقاد بولندیفکرن حالده غسل اعمال ضمننده جناب حکیم مطلقک سزله الهام
 ایلدیکی طریقلره سالک اولوک مآلنده اولان آیت کریمه ده مختاطب بولنان محله
 تشبیه قصدیله حضرت پیر دستگیر سالکان راه خدا اولنلره تقدیر پر وبال ایدرک
 وصلت الی الله اسباب معنویه اعتبار اولنان اجنحه شوق ومحبته انواع طاعات
 وعبادات واصناف مجاهدات ور باضات شکوفه لیدن اقتطاف ایدوب شهید
 شیرین مقصودی اعمال ایدرک ساحه لطافت مساحه قرب معنویه پروازه ابتدار
 * و حب الوطن من الايمان * حدیث نعمت نجدیئی موجبجه عالم ارواحک
 قدر و شرفنی و علو منزلتنی مرغ روح پر فتوحک تذکر ایلر * ونجتنی
 من غمار الانس فی بساتین کللی من کل الثمرات * وینه نحل سالک ذکره خطا با

انواع فواکه بدن اکل ایله معناسنی حاوی اولان آیت کریمه تک مضمونی اولان
 ریاض صدق و اخلاصده میوه چین انس و محبت اول * و تجلی مرآت سرک
 من لوامع انوار التعلیبات فیکشف هلیک سرتولج اللیل فی النهار * لمعات انوار
 تجلیات الهیه ایله آینه قلبکدن ژنک ظلمات نفسانیه زائل اولوب کیجه بی کوندزه
 ادخال ایله ظلمات ایللی تقلیل و انوار صبحی تکثیر ایدرسک معنای شریفنی مفید
 آیت کریمه ده مذکور اولوب اهل تصوف اصطلاحنده نفس انسانی و روح
 سلطانی بدن عبارت اولان لیل و نهارک سری سنک اوزرینه منکشف اولور
 * و تخضر روضه قلبک من امطار مرآحم و انزلنا من السماء ماء مبارک فابتنا به
 جنات و حب الخصید * بن عظیم الشان حضرتلری جانب آسمان قدرت
 نشاندن باران برکت عنوانی انزال ایدوب انکله کافه اشجار و نباتاتی و حصاد
 شانندن اولان انواع حبوباتی انبات ایلدک معنای جالبی اشراپ ایدن آیت
 کریمه تک حاوی اولدینی قطرات فیوضات مرآحم آیات جناب کبریادن
 حدیقه درون صفت مشحونک کسب طراوت ایلرده * فتصیر کلها
 کر وضة ارم * کلزار درونک کافه سی مانند باغ ارم سرسبز و خرم اولور
 * و تفهم رموزات فاحینا به بلده مینا * بز عظیم الشان حضرتلری اول ماء
 مبارک سبیلله نشوونما دن عاری اولان بلده بی احیای ایدرز معنای شریفنی
 حاوی اولان آیت کریمه تک مزایا و اشاراتی سن درک و اذعان ایدرسک * و یکشف
 عنک استار فکشفنا عنک غطاک فبصرک الیوم حدید * ایددی بز عظیم الشان
 حضرتلری سنک نفسکدن پرده جهالت و حجاب غفلتی ازاله ایلدک بو کونکی
 کونده سنک چشم حقیقت بینک کافه اشیا بی کاهی حقها کورر مألنده اولان
 آیت کریمه موجب جهه * وصلت الی الله حاجز و حائل اولان پرده لر
 کشاده اولورده * فتستغرق انت فی کمال المشاهدة مرة تغرق فی بحار استغناء
 ان الله لغنی عن العالمین * بو مقامده منتهای مراتب سلوکی بیان صد دنده حضرت
 پیر دستکبریور لر که سن بلا کیف و لا کم رویت جمال با کمال جناب رب متعالده
 مستغرق اولور سکرده او حظ و ذوقله تصقیقا جناب باری مخلوقاتک کافه سنه
 احتیاجدن البتہ مستغنیدر معنای دلاراسنی مفید اولان آیت کریمه تک حاوی
 اولدینی دریای استغناء برکه غرق اولورسک * و مرة تخیر فی روضة سموم هیبت
 افانوا مکر الله * جناب واجب الوجود حضرتلرینک مکرندن سزرا مین
 اولور مبرک معنای شریفنی اشعار ایدن آیت کریمه تک مدلولی هیبت پر شوکتک

روزگار سوزش آثاری مهبطنده بر کره واله و حیران اولورسک * و مره من الشوق
 نترنم کالغندلب فی بستان التمجید هنده بوب نسیم لطف ولا تبسوا من روح الله *
 و بر کره جناب واجب الوجود حضرت تریک رحمتدن قطع امید ایله مایوس
 اولیکز معنای روح افزائی مشعر اولان آیت کریمه تک حاوی اولدیغی الطاف
 الهیه واعطاف سبحانیه رواج فوایحی وزان اولدجه کاستان تمجید و تحمیدده
 کمال عشق و شوق کسدن بلبل کی ترنسا ز اولورسک * فترتفع عشیرتک
 من غلبات الوجود بنفحات انی لاجدر یح یوسف لولا ان تغفدون * حضرت
 یعقوب علیه السلام حضور عالی برنده بولنا نلره خطابا مقتضای شیخو ختمدن
 نقصانی شعورمه حمل ایله نبی بجهیل ایتمه سکر چکر پاره اوغلم یوسف علیه
 السلامک رایحه پیرا هنی استشمام ایلدی بکمی تصدیق ایدر دیکز معناسنی مشیر
 اولان آیت کریمه تک مدلوانه اقتباسا وصلت رایحه لری استشمام اولدقدده
 زمره سرور ایله احوال صحوک هجو مندن اواز بلند ایله بیان حال ایلر سنده
 * فیتول الحساد بلسان المسالمة نالله انک انی ضلالک القديم * حساد بنهادلسان
 طعن و تشنیع ایله آیت کریمه مذکوره تک مال شریفنده تلمیحا الله حقیقون
 تحقیقاسن اوتدنبرو بولندیفک خطاده سک دیوز باندرز اولورل * فلما رأوا
 تأثیر القاه هلی وجهه فارتد بصیرادعوا بالضرع والهجر استغفرلنا ذنوبنا
 انا کما خاطین * فیص حضرت یوسف وجه مبارک جناب یعقوب علیه السلامه
 ساییده قلندقدده بصیر عالی لری هبت قدیمه سی وجهله بینسا و وجود نازین لری
 توانا اولدیغی معناسنی ایما ایدن آیت کریمه تک حاوی اولدیغی القانک تأثیرینی
 مرقوملر کورد کلرنده بزم کمالریمزه طلب مغفرت ایله تحقیق بزل خطای
 عظیمده بولندق معناسنی مشعر آیت ثابته مذکورده مدلوله تضرع و ایتها ل
 ایلدی لیر * وقالوا بالصدق والاخلاص لقد آثرک الله علينا * وینه
 مرقوملر صدق و اخلاص ایله جناب خدایه قسم ایدرز که سنی بزم اوزریمزه
 تفضیل یوردی معناسنی متضمن اولان آیت کریمه مذکورده مغادبله ندا و اعتراف
 ایلدی لیر (تنبیه) الحاصل فستغرق جله سندن بوحمله کلنجه قدر عشق
 حقیقی یه مظهر اولان وراه حقدده فدای جان و سرفیلان سالدکان
 اخلاصنشسان ایله محبوب حقیقی میبانه سنده ظهوره کلان اسرار ذوقیه تک
 و بو حالاتی منکر اولان و عقل معاشرینه اهتا ایدن اهل دنیا تک و بلکه عاشقک
 صکندنده موجود بولنان نفس وهوانک حضرت یعقوب و یوسف علیهما

السلام اليه اخواني ينزلندة لحكمة واقع اولان فرقت ووصلت حالته تشبها
وارشادا حضرت پير دستكير نتايح عشق ومحبتى بيان وتعرف بيور مشلردر

• وانت تقول فى المناجات رب قد آتيتنى من الملك وعلمتني من تأويل الاحاديث

فاطر السموات والارض انت ولى في الدنيا والاخرة توفنى مسلما والحقنى بالصالحين •
حضرت يوسف عليه السلام برب ملك مصرى من بكا احسان ابلدك وبكا
تعبير ويا بى دى تعلم بيوردك اى سموات وارضى خلق ايدن بارى تعالى من
بتم دنيا واخرته مع نفسك مؤمن وموحد اولديغم حالده امانه وزمره صالحينه
الحاق اليه ديودعا ابلديكى مثل لوسن دى ملك معرفت وحق بقتى بكا احسان ابلدك
وكافة اسما وصفات الهيدك رموزاتى تاو بلاتى بكا كشف وعبدان بيوردك
اى آفرينده زمين وآسمان سورى ومعنوى ظاهرا وباطنا محبوب ومطلوب
ومعشوق سنسك جذبته الهيه كه مستغرق اولديغم حالده بى قرب صمدان به كه
جذب وجلبه عاشقين وواصلين زميره سنه الحاق اليه ديوروى نيازى خاك مثلته
فرش ايدرك كمال سوزشله مناجات ايلرسك ديو حضرت پير اشبو اوچيني مکتوب
عاليرينى ختم بيور مشلردر

﴿ مکتوب رابع ﴾

* ابها العزيز * التفاضل ولغور بالحياة الدنيا لبس بعلامات السعادة

* اى عز بزجات دنياه وبلنكه كانه ماسوايه دابسته وفرغته اولوب خلاق

جهان دن غفلت نشانه عز وسعادت دكدر • اما نسمع بسمع القلب

خطاب ارضينم بالحياة الدنيا من الاخرة * فاسى مقرر اولان دار آخرندن

مصرف نظر له بادار اوليان حبات دنويه به راضى مى اولور سكر خطاب عزتى

كوش هوشك ايشنديمى • اما تخاف من وعيد من كان فى هذه اعمى فهو

فى الاخرة اعمى واضل سبيلا • شول كيمسه كه شو عالم فائنده رضاى بارى بى

موجب اولان امورى كورميه اول كيمسه دار عقابده دى روية للهدن محر ومدر

وشاهراه هدايتدن شاشمشدر معناسنى عقيد آيت كريمه ك مدلولى اولان وعيد دن

قورقاز ميسك • اما تفكر فى تهديد اقتراب للناس حسابهم وهم فى غفلة

معرضون • روز رستخيزدن ككاه اوله رقى ناسه حسا بلرى وقتى يقين اولدى

حالبو كه انلر بو حسابدن غفلته اولدقلى حالده ملاحظه دن اعراض ايديجيلردر

معناى شريفنى حاوى اولان تهديدات الهيه بى انديشه ايتزميسك • اما تذكر

من تو بئخ من كان يريد حرث الاخرة تزدله فى حرثه ومن كان يريد حرث الدنيا

نؤته منها وما له في الآخرة من نصيب ﴿ شول برکیمسه که مز رهه آخرته بذور
اعمال صالحه حرث ایلرسه بز عظیم الشان حضرت نلری ﴿ من جاء بالحسنة فله
عشر امثالها ﴿ نصبه آکا اون مثلنی احسان ایدر ز دبو بیور دینی مثلاو حرث
اخروی ایچون ثوابک اضعاف مضاعفی اعطسا ایدرز وشول برکیمسه که
تخم اوقاتی زمین هوا وهوسی دنیا به ذرع ایلسه بالکن او حرثک مثلنی ویر برز
بوصورنده اول کیمسه ایچون اخرتده نصیب یوقدر معناسنی متضمن اولان
آیت کریمه تک ناطق اولدینی تو بیضات ربانیه بی تفکر ایتمز بسک ﴿ اما تنبه

وامان طغی و آثر الحیوة الدنیا فان الحجیم هی الماوی ﴿ ابدی شول برکیمسه که
خلاق جهانه اطاعت ایتموب ارتکاب کفر و ضلال ایلده وشهوات نفسانه سنه
اتباع ایده حیات دنیویه بی سعادت اخرویه به ترجیح قبله بوتقدیرجه اول کیمسه تک
مقری سقردر مال تمسیدد اشتمالی حاوی اولان آیت کریمه تک شامل اولدینی
نیها ندن متنبه اولماز بسک ﴿ الی منی تحیر فی بیه الغفلة ﴿ نوقته قدر وادی
غفلتده واله و حیران اولورسک ﴿ و تقید بقیود الشهوة ﴿ و نیجه به دلک بند شهونه
کرفتار اولورسک ﴿ ادخل الی صومعة تو بوا الی الله ﴿ جنساب واجب الوجود
حضرت نلرینه توبه ایلک معناسنی آمر اولان آیت کریمه تک مدلولی موجبجه توبه
صومعه سنه داخل اول ﴿ و توجه بتلك الحضرة فی محراب و اتیوا الی الله ﴿
رضای باری به مغایر حالرده اضاعه اولسان اوقانک ایچون اطهار یشیمانی
وندامت و جنساب حقه رجعت ایلک معناسنی مغید اولان آیت کریمه دن تمثیل
طر یقیله استعاره اولدینی وجهله محراب رجوع وانا بنده حضرت باری به

توجه ایلده ﴿ وقل بلسان الصدق انی وجهت وجهی للذی فطر السموات
والارض حنیفا وما انا من المشرکین ﴿ تحقیقاً بن سموات وارضی خلق
ایدن جنساب واجب الوجوده هیچ برشبی تشریک اید نلردن اولمدیغم و دین
خالص اوزره بولندیغم حالده توجه نام ایلده توجه ایتدم معنای جلیلی حاوی اولان
آیت کریمه بی بر آورده زبان مصادقت بیان ایلده ﴿ عسی یکشف لک نقائس

امرار وهو الذی یقبل التوبة عن عباده ویعفو عن السببئات من خزائن ان الله
غفور رحیم ﴿ تحقیقاً جناب حق غفار بیت ورحیمت صفتلریله متصفدر اشته
اول صفات جلیله ایلده متصف اولان جناب خدا کنجینه رجعت و مغفر نندن
قوللرندن مصادد اولان توبه لری قبول و حسب البشریه ظهور ایدن خطایابی
هفو الهیسنه موصول ایدر معنای جلیلی شامل اولان اشبو آیت کریمه تک لطائف

خفيه سى يقينه سنك ايچون آشكار اولور * ويشرك بمزيد عنابة ان الله
 يحب التوابين ويحب المتطهرين * تحقفا جناب واجب الوجود حضر تلى
 صدقته توبه ايدى بيلره محبت ايدر و وسخ آلود جرم وعصيان اولاد قد نصكره
 آب باك توبه واستغفار ايله تظهير ايدلره دى كذلك محبت ايلر معنای جليلي به بشر
 اولان آيت كريمه مدلول كال عنایتله سنى بشير ايدر * قدر ج مدارج تعز من نساء *
 عزت وشوكت ذات ربانيسنه مخصوص ومنحصرا اولان الله ديله ديكي قوللرى
 عزيز ايلر معنای شريفنى حاوى اشبو آيت كريمه نك مضمونى بولنان درجات سلم رفعت
 وعزته صعود ايدرسك * ويناديك الاقبال بلسان الحال ان الذين قالوا ربنا الله
 ثم استقاموا فلا خوف عليهم ولا هم يحزنون * تحقفا شول كچسه لر كه خلاق
 ورزا قر اولان حق تعالى حضر تلى نك الوهينى اقرار ايتديلر و بوند نصكره
 مؤمن بهه اعتقاد ده و اعمال صالحه ده استقامت ايدلر ايدى بويله اولان ذوات
 اوزرينه ماسبق ايچون حزن و ماسيا تى ايچون خوف بوقدر معنای جليلانى حاوى
 اولان اشبو آيت كريمه نك مدلولنى لسان حال ايله اقبال وسعادت سكاندا ايدر ديو
 حضرت پير اشبو درد بچى فرمان جليل الشانلى دى ختم بيور مشلر در
 ﴿ مکتوب خامس ﴾

ابها العزيز اذا طلعت شمس المعارف من مطلع السموات السراثر لتور اراضى
 القلوب من نور واشرفت الارض نور ربهها * اى عز يز مطلع آسمان سراثر
 لاهوتيه دن مهر درخشان معارف لدنيه پر تو پاش افق حقيقت اولد قدده
 عرصه محشر نور مقدس ايله مضى و منور اولور معناسنى مفيد اولان آيت كريمه
 مذكوره نك مدلولى نور دن فضاي دل سالك البتة ضيا دار اولد قدده * ترتفع
 اغطية ظلام الجهالة عن بصائر العقول بكحل فكشفنا عنك غطائك *
 بز عظيم الشان حضر تلى سندن برقع غفلتى كشف ايلدك معنای شريفنى
 متضمن اولان آيت كريمه نك حاوى اولد بچى سرمه ايله ديدة اذعان و ادراك سندن
 ظلمات جهالت پرده لرى مرتفع اولور ده * فتخير عيون بواطن الافهام
 من مشاهدة لواضع انوار القدس * انوار مقدسه الهية نك شعشعه سى
 مشاهده سندن قوة مدر كه صحتك ديدة لرى خيره انور * وتتجج خواطر الافكار
 من مكاشفة عجائب اسرار عالم الملوكت * عالم ملكوتك اسرار عجيبه و احوال
 غريبه سى مبارزه سندن قوة مفكره خاطر لرى حيرته قالور * وتديه من هيجان
 العشق فى بواد الطلب * عشقك هيچان سندن مطلوب حقيقى بى طلب حكر اسنده

عاشق صادق حیران و سرگردان اولور * فتا أنس فی مواطن القرب من غلبات
 الشوق * أنس هشق وشوقك غلبت اتندن شاهد قرب الهیجده سن انسبت
 ایدرسک * و نادى ان الله لذو فضل على الناس بنا دى وهو معكم ابنا کنتم *
 تحقیقا جناب الله قولرینه فضل واحسان صاحبیدر معناسنی حاوی اولان
 آیت کریمه بی تلاوت ایدن نادى سزهرنه رده بولنسه کز جناب حقک علم وقدرتی
 سزکله بر ایدر معناسنی مفید اولان آیت کریمه ایله ندا ایدر * فلما اطلع على سر
 المعبة فقد وجوده فلا تجملوا مع الله الها آخر * وقتنا که نادى مذ کورک نداسی
 وجهله اسرار معینه سالک مطلع اولدقده سزرجناب واجب الوجود
 حضرتلرینه عبادتده بشقه سنی تشربک ایلیمک معناسنی حاوی اولان آیت کریمه ک
 جلالت و شانیدن محو وجود ایلدی * فلما غاض فی بحار فناء لبس لك من الامر شیء
 ليحصل جوهره التوحيد رمت به امواج الغيرة فی بحر محيط العظمة * وقتنا که سالک
 در اسرار توحیدی استحصال ضمننده سنک ایچون امر دن هیچ برشی یوقدر
 مانده اولان آیت مذکورک حاوی اولدیغی فنا فی الله در یاسنه طالیدیغی
 وقتده خیراب بیحساب غیرت جناب غیور سالک مذکورک انداخته نحر
 محیط عظمت نور علی نور ایدر ده * فکلما قصد الساحل وقع فی ورطة
 الحيرة فيقول رب اني ظلمت نفسي فاغفر لي * سنک هر نقدر بو عالم استغراقدن
 ساحل صھوی آرزو ایدرایسه کرداب حیرتده بولانورده یارب بن کندی نفسه
 ظلم ایلدم کال لطف و کر مکدن سن بنی مغفرت ایله مانده اولان آیت کریمه بی
 تلاوتله مناجات ایلر و بومناجاة بنا * فتدر که مرا کب امداد الطاف و جلناهم
 فی البر والبحر * برو بچر ده بز عظیم الشان حضرتلری انلری مرا کبه نحمیل
 ایلدک معنای شریفی مفید اولان آیت کریمه دن اقتباس اولسان الطاف
 و اعطاف سبحانه تک امدادی سفاینی سالک مذکورک ایریشور * فتنبه بساحل
 لطف نصیب برجتا من نشاء * بز عظیم الشان حضرتلری دله دیکمز قوله
 رحمت الهیه منی اصابت ایتدیریز معنای شریفی حاوی اولان آیت کریمه تک
 شامل اولدیغی الطاف الهیه من ساحله سالک مزبوری ایصال ایدرز
 * وتسلم اليه مفا تجم اسرار خزائن والله بكل شیء محيط * علم الهی هر بر شئی
 شامل اولوب احاطه ایتشدر مفاد عالسنی مفید اولان آیت کریمه تک مفادی بولان
 کنجینه نهفته مقالیدی سالک مومی الیمک یدامانته تسلیم اولور * و تطامع
 علی رموز وان الی ربك المنتهى * تحقیقا کافه مخلوقاتک بعد الموت رجوع

وانتهای جناب رب عزته در معنای جلیلی حاوی اولان آیت کریمه نك اشاراته
 مفاتیح مسئله مذکوره سالکی واقف و مطلع فیلر * فتعلم معنی فاوحی الی عبده
 ما اوحی * جناب رب العالمین هر نه که وحی بیوردی ایسه حضرت جبریل انی
 جناب رسالتناه اقدمزه تبلیغ ایلدی معنای دلاراسنی درک و تیغز ایدرسک
 * وتفهم اشاره لدرأی من آیات ربه الکبری * قسم بالله ایدر مکه محبوب
 جناب خدا اولان حضرت محمد مصطفی صلی الله تعالی علیه وسلم اقدمز
 ليله * مرآجه عجایب ملکبه و ملکوتیه الهیه نك اعلا وبالاسی اولان آیات
 وعلاماتی مشاهده بیوردی معنای شریفی حاوی اولان آیت کریمه نك اشارت
 باسعادتی سن فهم واذعان ایدرسک دیومحو و صحوک کیفایله بنه مقامات
 سلو کدن وحدت حقیقی و مقابله درجه لینه جناب پیرروشن ضمیر اشارت
 وایما یوررق اشبو بشنبی مکتوبلاریخی دخی حد ختامه ایصال ایشلر در
 ﴿ مکتوب سادس ﴾

ایها العزیز اذا غلبت عسا کر جذبات عنایة الله یجتبی الیه من یشاء ولایة القلوب
 ذلت وراضت طوامح النفوس الامارة بلجام ریاضة وجاهدوا فی الله حق جهاده *
 جناب جبار منعم قولر نندن اراده علیه سی تعلق ایدنی قرینت الهیه سنه انتخاب
 یورر معنای جلیلی متضمن اولان آیت کریمه نك مفاد عنا یتعنا دی موجبه
 جذبات جنودیه الهیه تارک نفس و هو اوسالک راه خدا اولان عاشق صادق
 شهر درونه غلبه ایلدیکی وقتده * فی سبیل الله حق جهاده * ایله سز مجاهده
 ایدک امر جلیلتک حاوی اولدیغی مجاهده و ریاضات زما علیه توسن نفس اماره
 ضعیف و لاغر قاله رقی حرکت سرکشانه دن کچر * وادخلت جبابرة الاهویة
 فی سجن التقوی و سلاسل المجاهدة * ومار الذ کر نفس اماره نك عملدن سقوطی
 جهتیه توابانندن اولان هوس و هوا و شهوت و دغازنجبر ریاضات و مجاهده ایله
 زندان تقوایه ادخال اولندیغی وقتده * وقیدت فراعن الامیة باخلال اطبعوا الله
 واطبعوا الرسول * جناب واجب الوجود اطاعت ایدک و رسول ذیشانته دخی
 انقیاد ایلک معنای شریفی مفید اولان آیت کریمه نك مدلولی بولسان اطاعت
 زنجیر لیه فراعنه آمال باغلندیغی وقتده * تأدبت اعمال الارادات والاختیارات
 بتادیب من یعمل سوء یجزیه * هر شول کیمسه که افعال قبیحه بی ارتکاب ایدر ایسه
 اکالایق جزا ایله مجازات اولنور مال نهیدد اشتمالی حاوی اولان آیت کریمه نك
 مضمونی تأدیله ارادات بشریه و اختیارات طبعیه عمللری تریه اولنور

❖ وهدمت محدثات الرسوم والعادات وقواعد ارکان التلیس والضمائم بالکلیة ❖
عادات مألوفه ورسوم مؤتلفه مک وبنای فتنه وفسادک اساس وارکانی کافیه

مندرس اولور ❖ ونادی منادی الحمال بلسان الصدق ان الملوك اذا دخلوا قرية
افسدوها وجعلوا اعززة اهلها اذلة ❖ تحقیقا شاهان جلا دتغوان جبراً وقهراً
داخل اولدقلری شهری افساد وکبرای اهل بسنی مقارن ذلت بیعداد ایلر معناسنی
مشعر اولان آیت کریمه تک مضمون عظمت مقرونی زبان صدقله عاشق شوریده

حال ندا ایلدی ❖ فاذا صفت وطهرت عرصة القلوب من لوث شوائب اكدار
ومن یتبع غیر الاسلام دینا فلن یقبل منه ❖ برآدمکه اسلامدن غیری دین طلب
واختیار ایلسه البته اندن هیچ برشی قبول اولماز معناسنی مفید اولان آیت کریمه تک
متضمن اولدیغی غایله الام واکدارک چرک ووسخندن ساحه قلوب ظاهر
وکننده صفوت ظاهر اولدقده ❖ وتعطرت حدائق الارواح من نسایم

لطایف اولتک کتب فی قلوبهم الایمان ❖ انلرشول برقوم مکرم ومفخر لکه
باری تعالی انلرک قلبرنده ایمانی اثبات ایلدی معناسنی حاوی اولان آیت کریمه
مضمون شریفنک لطایفی نسا یندن کل وکلزار ارواح معطر اولورده ❖ حازرت

مشکوة الضمائر من لواجم انوار والله من نوره مرآة یوارق شهود یوم تبدل
الارض غیر الارض صفة حاله ❖ حالبوکه جناب واجب الوجود حضر تلری
کندی نورینک اعلان وانشاعه سنی اکیال ایدیبیدر معناسنی افاده ایدن آیت
کریمه تک حاوی اولدیغی انوار شهاعندن قندیل دل عشاقه اول برکونده که
ساحه غبراه مشهوده ساهره غیر محسوسه به تبدل ایدر معناسنی اشعار ایدن آیت
ثانیه ما لیک شععة مشاهده سی مرأتی وما شفقک مال حابدخی بوتبدلات
اولدی ❖ وتلاشی رواسی الاشواق هباء مشورا ❖ طاعلمش وتلف اولمش معناسنی
مبین اولان آیت کریمه فحوا سبحه عاشقک اشواقی ثابته سی لرزه ناک و بیقرار

اولورده ❖ ویقول بلسان الصدق وترى الجبال تحسبها جامدة وهی تمر
مر السحاب ❖ شول برکونده که جبال متین الاشکالی کور وب پارچای ثبات ظن
ایدرسک حالبوکه انلر روی ارضندن بالانفکاک مانند سحاب ایا ب و ذهابده
درلر مألنی برآورده زبان صدق بیان ایلر ❖ وینفخ اسرافیل العشق صور و نفع
فی الصور حتی یظهر صاهقة فصعق من فی السموات ومن فی الارض ❖ دفعه
اولیده صور نفع اولنور معناسنک حاوی اولدیغی صوری عشق اسرافیلی
نفع ایلرنا اول نفیردن زمین وآسمان واره سننده اولان کافیه مخلوقات بوز اوزره

ساقط اولور لر معناسنی مفید آیت کریمه نك مفهومی اولان رعد و برقك سری

آشکار اولور * فیدر کهم ویمکنهم مبشر اقبال لاجنهم الغزاع الاکبر * جناب باری تعالیک احسانی سبقت ایدن قوللری دفعه ثالثة نغضه مخزون اولوز ما لنده اولان آیت کریمه نك متضمن اولدیغی اقبال وسعادت مژده جیبی انلره واصل اوله رقی اضطراب و خلیجانلرینه سکونت بخش اولور * ویدعوهم

الی علین مقعد صدق بیشاره رضوان بشر یکم الیوم * بو کونکی کون سزلره مژده اولسون معناسنی مفید اولان آیت کریمه دن مفهومی رضاء بیشارتله محل صدق اولان جنات عالیاته انلری مبشر مشسار ایسه دعوت ایدر

* ویفتح لهم ابواب جنات النعیم ویقول لهم سلام علیکم طتم فادخلوها خالدین * در دار الامان جنانی اول مبشر انلری چون فتح و کشاد ایدر ده سلام فلاح انجام سزک اوزر بکزه اولسونکه سزلر کافه ادناس جرم و عصبانندن پاک اولدیکن ایدی داخل جنان رب منان اولوک بیورر * وهم یقولون الحمد لله

الذی صدقنا وعده واورثنا الارض تبوه من الجنة حيث نشاء فغم اجر العالمین * حد و سپاس و شکر بیقیاس و اهب العطا یا اولان حق تعالی حضر نلرینه اولسونکه رسول ذیشان فی واسطه سبله بزره اولان وعدینی انجاز و احسان بیوردی وساحه جنته بزرگی وارث قیلدی بزر ما وای جنانندن استدیکن بزر لرده تمکن و قرار ایدر ز ایمدی او امر الهیه ایله عمل ایدنلره نه کوزل اجر واردر معنای شریفنه دال اولان آیت کریمه نلاوتیله انلر تشکر ایدر لردیو حضرت پیر اشبوالتنجی نامه هما یونلرینی دخی ختم بیور مشلردر

* مکتوب سابع *

* ایها العزیز تجا و زعن عالم غرور فلا یغرنکم الحیوة الدنیا ولا یغرنکم بالله الغرور * ای عزیز زینت دنیا هر حالده سزنی فریفته ایلسون وتوبه واستغفار مکفر سبنا تدر دیرک شیطان سزنی نغر بر واغوا ایتمسون مألنی حاوی اولان آیت کریمه نك متضمن اولدیغی دار الغرور دن کج * واذکر منازل

اهل الحضور تعرف فی جوهم نضرة النعیم * اهل جنتک نازل اولدق لری نعمت بیغایتک لمعانی انلرک جبهه بهجت رهیلر نده هک وروب یلورسک مفاسدینی مشتمل اولان آیت کریمه موجیبجه ارباب وصولک درجات

عالیه لینی یاد و تدکار ایله * عسی تشم بمشام قلبک رایحه من نفعات بستان فروج و ریحان و جنة نعیم * بندکان خاص الهیدن بری قرب حقنه

* وصولنده *